



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

5. Sceleratissimæ filiæ, ex misericordia Dei, breuis & efficax pœnitentia.

**urn:nbn:de:hbz:466:1-45653**

sunt: hæc dextera Excelſi, de ſtercore pauperem erigentis. Cuius', in luculenta historia, & exemplum accipe, peccator, & documentum.

Dedit id, ante me, ex idoneo authore, Iulius Mazarinus,  
de quadam puella, quæ venustate vultus pariter, & iuuenilibus  
adhuic annis florens, affinis earum rerum, quas fert adolescentia,  
malæ educationi, malam reposuit mercedem. Nam in delicijs,  
à matre, & vitæ licentia, enutrita, nimiam indulgentiam eximio  
dolore compensauit. Itaque affueta facile flecti, improbo pa-  
rentis suasu, haud ægrè permota incæſto animam polluit flagitio.

Nempe aptum matris supplicium erat filiæ peccatum. Quid ergo  
Agalma mater (nam hoc illi fuit nomen) nefandi coitus exploratè  
gnara fecit? Dolorem, quem non potuit premere, in verba effudit;  
quibus acerbissimis filiæ aures identidem flagellauit, nefarium ac  
inauditum crimen comperisse se clamitans: facinus utique non  
casta, sed Iocastâ dignum, & flammis expiandum ab eâ perpetra-  
tum esse: & quæ alia muliebris furor suggerebat. Filia crimen  
audaciùs facere, quām patientiùs audire docta, scelusque suum  
propalatum acerbè ferens, tollere, cum matre, exprobationem  
statuit. Aberat tunc pater, optima occasio vindicandi. Igitur,  
parricidali conatu, matri vitam lucisque vsum, virulento pharma-  
co, aufert. Vbi pater domum redijt, vacuámque matrefamilias  
inuénit, tam inexpectato casu perculsus, filiam vultu, voce, minis  
iracundissimè obiurgavit. Infelix puella vltro citrōque maleſe  
verbis acceptam, &c, quæ metus augurabatur, non ferens, ad vlti-  
mam desperationem progressa patri quoque, à quo vitam acce-  
perat, vitam adimere decreuit. Captatâ occasione, remotisque  
arbitris, ceruicem incæſtam parentis ſic abſcindit. Facinore pa-  
trato, ſe ſe in fugam dat, asportatâ ſecum præcipuâ ſupelleſtilis  
parte. In ignoto loco incognita, omnifrontis honore valere iuſ-  
ſo, voluptatibus extremè indulſit. Neque enim aliud ſupererat,  
quod ſperare vellet. Ita diu vitam brutorum vixit, verè errans,  
ſicut ouis, quæ perijt. Et perijſſet, niſi eam ſummus paſtor erran-  
tem quæſijſſet. Vagabatur vbiq[ue] misera, &, fallendi magis tem-  
poris, quām Numinis placandi gratia, aliquando curiosè in tem-  
plum intrabat, eo ipſo tempore; quo diuini verbi præco, Dei  
mericordiam, vehementi oratione, exaggerauit, addiditque,  
Neminem ullum eſſe, ſub cælo, ita profundè peccatorum

V.

Iul. Maza-  
rin. in Psal.  
50. p. 1. dif-  
curl. 10. ex  
Iac. Vitriac.  
Cardinal.

ceno

440 Ca. XLIII. Omnes ad pœnitentiā & gratiarū actionē vocari.

cœno immersum, cui salutis spes sit intercisa. Affectā concione, continuò illa, omnem moram exosa, ad concionatorem accessit, atque ex eo percontata est: *Num. quæ dixisset, omnia de Dei in peccatores benignitate, vera essent?* Verissima respondit ille, eaque, quæ publicè dixerat, pluribus insuper argumentis confirmauit. Tum illa, *Si, inquit, itares est, vti confidenter afferis, te obnixè rogo, Pater, vt excipi as confessionem meam, ac me à peccatis absoluas, ut pro me fias pius intercessor, apud tantam misericordiam.* Annuit ille: confitetur illa: quā auditā, substirrit aliquanto temporis spacio Pater, & cogitare cœpit, qualisnam pœnitentia eiusmodi peccatrici esset præscribenda? Suspectum fuit hoc silentiam puerilæ, quæ illico. *Quid hoc, inquietabat, Pater, iam misericordiam valde extollebas, & nunc videris de salute mea desperare?* Non ita, non ita, ait Confessorius, ô filia, sicut cogitas, sed in tua anima bonum opto, vt ad concionem audiendam, crastino die, iterum te sis. *Quod tibi, pro salutari pœnitentia, iniungo.* Hac tam clementi pœnitentiā intellectā, atque, per eius exiguitatem, cum nefandis flagitijs suis, comparatam, in diuinæ bonitatis potentias immensitatēmque ingressa, tanto, ob peccatorum recordationem, dolore vri, atque in tanta suspicio vgeri cœpit, vt è templo pedem efferre non posset, sed illico cœlesti amore, vel liquefscens, vel contabescens, animam efflaret. Accurrunt ad cadentem homines, & adhuc, per mortuæ genas, vberimè currentes lachrymarum riuos deprehendunt. Nuntiantur ea mors Concionatori; qui defunctæ animam cœnobij sui Religiosis commendauit. His ergo, pro ea, orantibus, de cœlo eiusmodi vox venit: *Non est opus, ut ore tuis pro ipsa; potius ipsa orabit pro vobis.* Hic huius tragœdiae epilogus est; tam citò ex lupa agnam fecit diuina clementia, immo vel vnica diuinæ clementiæ cogitatio.

V I.

Ac ne mulieres duntaxat delicati huius amoris contritio-  
nisque tam potentis capaces esse videantur; etiam apud viros,  
Cant. 8.6. fortis est, ut mors dilectio; adeò vt, præ dolore tam mitis Dei of-  
Thom. Can. fensi, & ipsi, dissidente in partes corde, emoriantur. Refert exem-  
tiprat. lib. 2. plurimi sui temporis author, qui non minùs ipse fecit, ab alijs, lau-  
apum. c. 51. danda, quām narravit ab alijs cum laude gesta. Memorat igitur,  
9.7. in Gallia, id fidelissima relatione traditum accidisse. Ad Petrum de  
Corboel Senonensem celeberrimi nominis Archiepiscopum (qui,  
in tabulis Democharis numero septuagesimus secundus est. obiit-  
que